

**«Տալենտում» տաղանդների կրթական և զարգացման 2022/2023թթ. ծրագրին դիմելու
ԿԱՐԳ**

ք. Երևան, ՀՀ

«20» հոկտեմբեր, 2022թ.

Հիմնադիր՝

«Երաժշտություն հանուն ապագայի» մշակութային հիմնադրամ

Գեղարվեստական ղեկավար՝

Սերգեյ Սմբատյան

1. Ընդհանուր դրույթներ

1.1. «Երաժշտություն հանուն ապագայի» մշակութային հիմնադրամը (այսուհետ՝ Հիմնադրամ) մեկնարկում է «Տալենտում» տաղանդների կրթական և զարգացման 2022/2023թթ. ծրագիր (այսուհետ՝ Ծրագիր) 10-16 տարեկան տաղանդավոր երիտասարդ երաժիշտների համար՝ հետևյալ մասնագիտությունների գծով.

- ջութակ
- ալտ
- թավջութակ
- ֆլեյտա
- հորոյ
- կլարնետ
- ֆագոտ
- գալարափող
- շեփոր
- տրոմբոն
- հարվածային գործիքներ
- դաշնամուր
- տավիղ

1.2. Մրցութային ունկնդրումների փուլերը հաղթահարած դիմորդները ընդգրկվում են որպես կրթաթոշակառուներ Հիմնադրամի «Տալենտում» տաղանդների կրթական և զարգացման 2022/2023թթ. ծրագրի շրջանակում:

2. Մրցույթի անցկացման փուլերը

2.1. Ծրագիրն ընթանում է հետևյալ փուլերով.

- Դիմում-հայտի, անհրաժեշտ փաստաթղթերի և տեսաձայնագրությունների ընդունում:
- Ունկնդրումների անցկացում երկու փուլով.
1-ին փուլ՝ տեսաձայնագրությունների ունկնդրում,
2-րդ փուլ՝ կենդանի ունկնդրումներ Երևանում:
- Հարցազրույց Հիմնադրամի տնօրենի հետ:
- Արդյունքների ամփոփում և կրթաթոշակառուների ընտրություն:
- Պայմանագրերի կնքում:

3. Ծրագրին դիմելու պահանջներն ու պայմանները

3.1. Ծրագրին դիմելու համար անհրաժեշտ է ներկայացնել.

- Դիմորդի Օրինական ներկայացուցչի՝ ծնողի կամ խնամակալի (այսուհետ՝ Օրինական ներկայացուցիչ) կողմից լրացված դիմում-հայտ (Հավելված 1):
- Դիմորդի կողմից ներկայացվող ծրագրի տեսաձայնագրություն (վիդեոձայնագրություն):
- Տեղեկանք դիմորդի երաժշտական հաստատությունից առ այն որ նա հանդիսանում է տվյալ երաժշտական հաստատության աշակերտ/ուսանող՝ նշելով դասարանը, բաժինը, մասնագիտությունը:
- Դիմորդի անձնագրի պատճեն (զլխավոր և ծնողների/ծնողի մասին նշումով էջեր), իսկ չունենալու դեպքում՝ ծննդյան վկայականի պատճեն:
- Դիմորդի փաստացի բնակության վայրի (ոչ հաշվառման վայրի) մասին տեղեկանք:
- Դիմորդի Օրինական ներկայացուցչի դրամային բանկային հաշվի առկայության մասին տեղեկանք բանկից (ոչ քաղվածք, ոչ մնացորդ, այլ՝ դրամային բանկային հաշվի ռեկվիզիտների (հաշվեհամար, արժույթ՝ ՀՀ դրամ, և բանկ) մասին տեղեկանք) (այն հաշվեհամարի, որին դիմորդի՝ կրթաթոշակառու դառնալու դեպքում կփոխանցվի կրթաթոշակը):

3.2. Վերոնշյալ փաստաթղթերը և դիմորդի տեսաձայնագրության հղումն անհրաժեշտ է 1 նամակով ուղարկել Հիմնադրամի talentum@m4f.foundation էլեկտրոնային փոստի հասցեին: Ներկայացվող տեսաձայնագրությունը պետք է ուղարկել YouTube-յան հղման տեսքով, որը պետք է նշվի հայտի և էլեկտրոնային նամակի տեքստի մեջ: Իսկ նամակի վերագիրը (Subject) պետք է նշվի անգլերենով՝ հետևյալ կերպ՝ Application 2022 և դիմորդի անուն-ազգանունը (օրինակ՝ Application 2022 Petros Petrosyan):

3.3. Դիմում-հայտն անհրաժեշտ է լրացնել կա՛մ համակարգչով, կա՛մ տպված վիճակում՝ ընթեռնելի տպատառերով (ոչ ձեռագրով): Երկու դեպքում էլ դիմում-հայտը լրացնելուց հետո անհրաժեշտ է այն

տպված վիճակում ստորագրել և ուղարկել ստորագրված և սկանավորված դիմում-հայտը վերը նշված տարբերակով:

3.4. Դիմում-հայտի ներկայացումը վկայում է, որ դիմորդի Օրինական ներկայացուցիչը և դիմորդը.

- ծանոթացել են, համաձայն են և անվերապահորեն ընդունում են սույն կարգի բոլոր դրույթները,
- ծանոթացել են, համաձայն են և անվերապահորեն ընդունում են «Երաժշտություն հանուն ապագայի» մշակութային հիմնադրամի «Տալենտում» տաղանդների կրթական և զարգացման 2022/2023թթ. ծրագրի Կանոնակարգի բոլոր դրույթները (փաստաթուղթը կցվում է առանձին),
- առանց առարկության ընդունում են ժյուրիի կողմից գրանցվելիք արդյունքները (կայացվելիք որոշումը),
- համաձայն են, որպեսզի Ծրագրի շրջանակներում դիմորդի մասնակցությամբ արված լուսանկարները, աուդիո նյութերը և տեսանյութերը (այդ թվում՝ Ծրագրին դիմելիս ներկայացվող տեսաձայնագրությունները) օգտագործվեն, տարածվեն և հանրայնացվեն Հիմնադրամի կողմից,
- տալիս են իրենց համաձայնությունը Հիմնադրամին՝ իրենց կողմից տրամադրած անձնական տվյալների և տեղեկատվության՝ սույն Ծրագրի շրջանակներում մշակելու համար:
- պատասխանատու են իրենց ներկայացրած տեղեկատվության և տեսաձայնագրության ճշգրտության, հավաստիության և սույն կարգում նշված պահանջներին բավարարելու համար:

3.5. Ծրագրին դիմելու համար դիմորդներին ներկայացվող պարտադիր պահանջներն են.

- Դիմորդը պետք է հանդիսանա ՀՀ քաղաքացի և բնակվի Հայաստանում:
- Դիմորդը պետք է լինի ՀՀ երաժշտական/արվեստի դպրոցի կամ երաժշտական/արվեստի քոլեջի սան և նպատակ ունենա շարունակել իր ուսումը նույն մասնագիտությամբ, որով դիմում է ծրագրին:
- Դիմորդի տարիքը դիմում-հայտը ներկայացնելու օրվա դրությամբ պետք է լինի 10-16 տարեկանը ներառյալ:

3.6. Ներկայացվող փաստաթղթերի և տեսաձայնագրության թերի լինելու, ինչպես նաև սույն կարգում նշված պայմաններին չբավարարելու դեպքում դիմորդների հայտերը ենթակա են մերժման, ինչի մասին դիմորդները նախապես կտեղեկացվեն:

4. Ժամանակացույց

«Տալենտում» 2022/2023թթ. ծրագրին դիմելու համար փաստաթղթերի և տեսաձայնագրության ընդունման ժամկետն է **մինչև 2022թ. նոյեմբերի 10-ը ներառյալ:**

Մի՛ սպասեք վերջին օրերին ծրագրին դիմելու համար:

- 4.1. Մտացված դիմում-հայտերի ամփոփումից և ունկնդրումների 1-ին փուլի ավարտից հետո դիմորդները գրավոր կտեղեկացվեն ժյուրիի որոշման մասին մինչև ս./թ. դեկտեմբերի 5՝ իրենց դիմում-հայտերում նշված էլ. փոստերին ուղարկված նամակի տեսքով:
Դիմորդի՝ ունկնդրումների 2-րդ փուլ անցնելու դեպքում ունկնդրումներին մասնակցության մանրամասները (այդ թվում՝ անցկացման վայրը և ժամը) նրան կուղարկվեն հրավերի տեսքով:
- 4.2. Ունկնդրումների 2-րդ փուլը կանցկացվի ս./թ. դեկտեմբերի 15-ից դեկտեմբերի 20-ը ընկած ժամանակահատվածում, որի ավարտից հետո դիմորդները գրավոր կտեղեկացվեն ժյուրիի որոշման մասին:
- 4.3. Դեկտեմբերի 26-27 ընկած ժամանակահատվածում կանցկացվի հարցազրույց Հիմնադրամի տնօրենի հետ:
- 4.4. Կրթաթոշակառուներին հայտարարելուց հետո նրանց Օրինական ներկայացուցիչների հետ 10 աշխատանքային օրվա ընթացքում կկնքվի պայմանագիր:
- 4.5. Հիմնադրամը կարող է վերանայել վերոնշյալ ժամանակացույցը՝ կախված ներկայացված հայտերի քանակից:

5. Ելույթի գնահատման չափորոշիչները

5.1. Գնահատման չափորոշիչներն են.

- Ընտրված ծրագրի համապատասխանությունը մասնակցության պահանջներին, մասնակցի տարիքային և անհատական առանձնահատկություններին:
- Ստեղծագործության/ների կատարողական մեկնաբանության գեղարվեստական արժանիքները:
- Կատարողի տեխնիկական հմտությունների մակարդակը:

6. Ունկնդրումներ

- 6.1. Ունկնդրումների և՛ 1-ին փուլի ժամանակ՝ տեսաձայնագրություն ուղարկելիս, և՛ 2-րդի՝ կենդանի ունկնդրումների ժամանակ դիմորդը պետք է.
 - հանդես գա իր ընտրությամբ ազատ ծրագրով (1 կամ մի քանի ստեղծագործություն), որը պետք է կատարվի անգիր և որն իր կարծիքով լավագույնս կներկայացնի իրեն՝ որպես առաջադրված թեկնածուի: Ներկայացվող ծրագրի տևողությունը պետք է լինի առավելագույնը 15 րոպե:
 - հանդես գա մենամուտ ստեղծագործության կատարումով (որպես մենակատար): Եթե ներկայացվող ստեղծագործությունը/ները կատարվում են նվագակցությամբ, ապա դիմորդը պետք է ինքնուրույն ապահովի նվագակցություն ունկնդրումների երկու փուլի ընթացքում էլ:
- 6.2. Տեսաձայնագրության սկզբում դիմորդը նախ պետք է ներկայանա՝ ասելով իր անուն-ազգանունը, և նշի հետևյալը. «Տեսաձայնագրությունն արվում է «Տալենտում» 2022/2023թթ. ծրագրին դիմելու համար»:

Եթե դիմորդը հանդես է գալիս մի քանի ստեղծագործությամբ, ապա նա.

- կա՛մ յուրաքանչյուր ստեղծագործության համար ներկայացնում է առանձին YouTube-յան հղում և յուրաքանչյուր տեսաձայնագրության սկզբում ներկայանում է վերոնշյալ ձևով,
- կա՛մ ներկայացնում է 1 տեսաձայնագրություն, որի սկզբում ներկայանում է վերոնշյալ ձևով:

Ուշադրություն՝

- Եթե դիմորդը յուրաքանչյուր ստեղծագործության համար կատարում է առանձին տեսաձայնագրություն, ապա յուրաքանչյուրի սկզբում անուն-ազգանունն ասելն ու նշելը, որ տեսաձայնագրությունն արվում է «Տալենտում» 2022/2023թթ. կրթական ծրագրին դիմելու համար», պարտադիր պայման է:

- Նաև, այս դեպքում, բոլոր առանձին ներկայացված ստեղծագործությունների գումարային տևողությունը չպետք է գերազանցի 15 րոպեն:
- Տեսաձայնագրությունները չպետք է լինեն մոնտաժված և ձայնագրությունը չպետք է ենթարկված լինի մշակման:

6.3. Տեսաձայնագրությունը պետք է լինի արդի և պետք է արված լինի ս./թ. հոկտեմբերի 25-ից սկսած: Չի թույլատրվում ներկայացնել դիմորդի համերգից արված տեսաձայնագրություն: Տեսաձայնագրությունը պետք է լինի ամբողջական, չմոնտաժված, նկարահանված լինի 1 տեսախցիկով, ստատիկ ձևով և լինի բարձր որակով (նվազագույնը՝ HD 720p որակով): Տեսաձայնագրությունը հեռախոսով կատարելու դեպքում տեսախցիկը պետք է պահվի հորիզոնական: Տեսագրության մեջ պետք է երևան մենակատարի գործիքն ամբողջությամբ (դաշնամուրի դեպքում՝ ստեղնաշարը), մենակատարի գլուխը, ձեռքերը և մատները:

Ուշադրություն՝

Տեսաձայնագրությունները ստուգվելու են, և կարգում նշված պայմաններին չհամապատասխանելու դեպքում դիմորդը որակագրկվելու է:

6.4. YouTube-յան տեսաձայնագրությունը պետք է անվանել հետևյալ կերպ (անգլերենով)՝ դիմորդի անուն և ազգանուն-Գործիք-Talentum (օրինակ՝ Petros Petrosyan-Piano-Talentum), իսկ տեղադրված տեսաձայնագրության YouTube-յան նկարագրության (Description) մեջ պետք է անգլերենով նշել կատարվող ստեղծագործության/ների ցանկը: Մի քանի YouTube-յան հղում ուղարկելու դեպքում համարակալել վերնագրերը (օրինակ՝ Petros Petrosyan-Piano-Talentum-1):

6.5. Ունկնդրումների 2-րդ փուլի ընթացքում դիմորդը կարող է հանդես գալ նույն ծրագրով, ինչ 1-ին փուլում տեսաձայնագրության ընթացքում:

6.6. Դիմորդի՝ ունկնդրումների 2-րդ փուլին՝ Երևանյան լսումներին մասնակցության ծախսերը (օր.՝ տրանսպորտային ծախսեր) հոգում է դիմորդը/օրինական ներկայացուցիչը:

6.7. Դիմորդի՝ լուսմաների 2-րդ փուլ անցնելու, բայց լուսմաներին ներկայանալ չկարողանալու դեպքում դիմորդը/օրինական ներկայացուցիչն այդ մասին նախապես 5 օր առաջ գրավոր ձևով պետք է տեղյակ պահի Հիմնադրամին:

7. Ժյուրի

7.1. Դիմորդներին ունկնդրելու են միջազգային ժյուրիի ներկայացուցիչներ:

7.2. Ունկնդրումների 2-րդ փուլի ընթացքում ժյուրին իրավունք ունի կանգնեցնել դիմորդի նվագը:

7.3. Ժյուրիի որոշումը վերջնական է և բողոքարկման ենթակա չէ:

8. Արդյունքների ամփոփում և կրթաթոշակառուների խրախուսում

8.1. Արդյունքների ամփոփումից հետո ընտրված լավագույն կրթաթոշակառուների Օրինական ներկայացուցիչների հետ կնքվելու է կրթաթոշակառուի աջակցության (խրախուսման) պայմանագիր 1 տարի ժամկետով: